

廣安縣志
十冊
目

廣安州新志卷十六

賦稅志

貢賦

稅課

雜捐



區土作貢則壤成賦周官課役三等不專於田皆正供也中古猶沿其舊唐有租庸調之法調古布縷也租古粟米也庸古力役也變爲兩稅人遂但識田賦無復知布縷力役之遺已廣安地丁舊區爲二雍正併丁入地實只正賦一名既奉永不加賦之文又無歲用民力之事康衢擊壤戶無追逋矣自兵威繁擾歲額不支初加津貼曰省里夫之累繼加捐輸曰助邊餉之資近且鹽茶數加正則稅契三增舊額典課十倍向章焉惟捐輸之項貧富皆苦循行日久與正賦等印票下鄉歲除不甯總之不離資借紳富者近是昔之春夏稅丁秋冬稅地愚民何知但見輸納重複而已然按糧派捐雖出正賦之外力供於上輸將亦樂顧地雖沃野戶已稠

密水旱偏災歲屢不免主糧多而致貧佃遇歉而失業地方公事日爭取給酒肉之課未終鐵路之捐又起民力幾何庸能堪乎古重輸以粟布今通納以銀錢轉輸鬻變耗折大半故實民不苦津貼之有常而苦捐輸之無額也通年綜計正賦一之捐款七之歲額且八萬而雜徭不與焉爰溯厥原流若土貢若蠲振卽於賦中埒見至雜課雜捐代有其事均析目載之雖禹貢九等不可復而藏富於民或萬一云志賦稅

貢賦

秦惠王并巴中以巴氏爲蠻夷君長其人歲出賦二千二十六錢三歲一出義戶千八百錢民戶出帛布八丈二尺雞羽三十後漢書始爲口賦民二子不分家者倍其賦賦歛歲出錢四十一作三十稅民私田科糧史記巴人謂賦爲賓因謂之賓民焉蜀錄

漢初高祖募寶民伐三秦地既定復羅卜管鄂度夕龔七姓不供

租賦餘戶歲入寶錢口四十

景

元年二月巴民給軍士勞苦者復

勿租稅二歲賦分三等曰田賦曰更賦曰口賦田賦十五而稅一

口賦者民自年三歲出口錢二十至年十四止自年十五歲除算

錢百二十爲一算至五十六歲止更賦者正率之更以月代邊戍

之更以日代不得行者月爲錢三千日爲錢百

文獻

文帝二年賜民

田租之半孝景時三十而稅一建武中蜀檢覆墾改見田租三十

而稅一章帝以布帛爲租蜀漢同

文獻

晉太康初蜀平復巴人半租夷人輸寶布一疋或一丈始地丁合

征民占田者歲輸穀二石不田占者輸義戶穀三斛遠者五斗或

輸算錢人二十八文蜀李雄時丁歲穀三斛女丁半之調絹不過

數丈綿數兩其人口出錢四十文

文獻

宋大明元年制人戶歲輸布四疋

攷 奏獻

北周武成時正賦舊制有室者歲調絹一疋綿八兩粟五斛丁者半之其非桑土有室者布一疋麻十斤丁者又半豐則全賦凶則

減之

攷 奏獻

隋縣賦初依周制役丁爲十二番匠則六番丁男一牀租粟三石桑土調以絹絕麻土調以布絹絕以疋加綿三兩布以端加麻三斤單丁及僕隸半之開皇三年減調絹一疋爲二丈

攷 奏獻

未受地者

不課有孝子順孫義夫節婦并免課役九年免縣當年租稅

唐縣土貢紬綿藥實在渠州開載

新唐書

貢獻皆取當土所出兼以官

物充市有加數者亦折租賦不別徵科

攷 奏獻

縣賦武德初制每丁租

二石絹二疋綿三兩嗣定賦租有三曰租曰調曰庸凡丁男受田百畝歲輸粟二斛稻三斛謂之租每丁隨鄉土所出歲輸絹二疋

綾絕二丈布加五倍之一綿三兩麻三斤非寬鄉則輸銀十四兩
謂之調用人之力歲十二日閏加二日不役者日爲絹三尺謂之
庸水旱霜蝗耗十之四者免租桑麻盡者免調田耗十之六者免
租調耗十之七者租庸調皆免考建中初行兩稅稅使專領之隨
田爲稅不問高下至十四年當時爲絹二疋半者爲八匹大率加
三倍豪民侵噬產業不移戶縣不敢徭役征稅皆出下貧縣每歲
遣吏巡覆田稅民苦其擾其他備急供軍折估宣索諸名目均於
兩稅取之爲賦已重又復格外剝徵史論

五代王蜀時倉廩充實重賦厚歛不已五國孟蜀廣政時賦役俱省

斗米三錢十九年賜民夏租蜀檣

宋軍貢土絹五匹九城乾德四年免軍縣夏稅及諸徵之半太平賦仍

唐兩稅法官莊屯營佃民耕而收租曰公田賦百姓自業曰民田

賦宅稅地稅曰城郭賦歲輸身丁曰丁口賦牛革蠶鹽隨出變輸
曰雜變賦歲賦以穀以帛以金鐵以物產而雜變賦爲重賦分爲

九等在第九等者免折變卽雜稅

雜記

元府縣正賦曰丁稅曰地稅丁稅計丁取稅地稅初每戶止科粟
二石後增爲四石旋定科徵之法路府驗民戶成丁之數每丁歲
科粟一石驅丁五升新戶丁驅各半之老幼不與耕種者驗其牛
具之數或驗土地之等徵焉丁稅少而地稅多者納地稅地稅少
而丁稅多者納丁稅工匠僧道驗地官吏商賈驗丁

元史

明州賦舊額稅糧一萬七千七百四十九石九斗七升三合九勺

九抄四撮入圭八粒

賦役考

徵以夏曰夏稅毋過八月徵以秋曰秋糧

毋過明年二月凡二稅所入以官田民田起科等則官田每畝五
升三合五勺民田每畝三升三合五勺重租田每畝八升三合五

勺蘆地每畝五合三勺四抄草場地每畝三合一勺設官田每畝一斗二升各以地宜爲差其征銀以一條鞭之法通州一歲中夏稅秋糧存留起運額若干均徭里甲土貢雇募加銀若干通爲一條總徵而均支之其徵收不論甲以一州丁糧均派下帖於民備載一歲中人戶地丁所應納之數於帖歲分六限納之民無糧長收頭諸費初置櫃民自輸官啟視驗收後稱欠幾分幾釐復勾攝之民有完至倍蓰者後又有帶徵錢糧官將拖欠分數隨同見年錢糧一併催徵萬厯中以帶徵故一切逃戶概責花戶分賠謂之軟抬民苦之

大清州土貢白蠟順治初廣安每年采買上供白蠟三十五斤斤核減價銀三錢共價銀一十兩五錢租穀九斗三升三合今裁其賦額自明季兵燹檔冊亡失順治十四年丁酉知州徐世振及

學正王來熊奉文清丈田畝起至康熙二十年止丈出實熟田地
見載稅糧二十二石三斗三升共征大糧條銀四十二兩八錢四
分六釐六毫遇閏加征銀一兩四錢七分九釐四毫康熙總志
賦役考康熙二
十一年起至雍正六年止復新墾共地丁條糧一千四百零七石
一斗八升一合二勺二抄雍正七年以丁歸糧知州曹蘊錦丈出
田糧並墾荒共糧三千五百七十八石一斗零雍正八年至乾隆
十五年陸續墾首邊荒共糧六十四石二斗八升八合零自十六
年起至二十一年止陸續首墾邊荒共糧十九石一斗四升八合
自二十二年起至三十四年止陸續首墾邊荒三石三斗一升六
合九勺自三十四年起至嘉慶十六年止丈增邊荒升科共糧十
七石六斗四升五合又陸續首墾地丁條糧銀一百一十一兩四
錢零通計共地丁條糧五千一百一十二石零八合四勺今無增

額至紳衿貢監例免丁銀今丁歸於糧皆一律征收不復區別惟里役雜徭則免其科則上田一畝載糧一升一合八勺中田一畝載糧一升一合六勺下田一畝載糧一升一合四勺園地一畝載糧一合零二勺平地一畝載糧八合八勺水地一畝載糧六合六勺山鄉地一畝載糧二合每糧一斗應徵銀一錢零一釐三毫零徵條銀五分五釐九毫零徵丁銀三分四釐零共徵丁條糧銀一錢九分一釐八毛八絲八忽七微五纖四沙又制每征地丁銀一兩加征耗羨銀一錢爲傾銷火耗之用總計共糧五千一百一十二石零八合四勺徵銀九千八百零九兩四錢四分四釐六毛六絲一忽五微遇閏加徵無閏之年地丁應徵正耗羨銀一萬一千二百八十兩零八錢六分四釐五絲有閏之年地丁應徵正閏耗羨銀一萬一千五百零九兩五錢六分五釐七毫廣安歷年全完

無欠其逢 恩遇災則有蠲振自康熙二十五年爲培養民生蠲免二十六年應徵廣安州地丁各項錢糧本年未完錢糧亦悉予豁除康熙三十二年爲土瘠民艱蠲免三十三年應徵廣安州地丁銀兩康熙四十二年爲地處極邊蠲免四十三年應徵廣安州地丁各項銀兩康熙五十年蠲免應徵廣安州地丁錢糧並歷年舊欠免徵雍正七年爲藏地苗疆肅清蠲免廣安州八年應徵地丁銀兩乾隆十一年爲

御宇周旬蠲免應徵廣安州地丁錢糧乾隆十三年爲軍興供億緩徵廣安州本年並十四年應徵地丁銀兩乾隆三十一年蠲免廣安州應徵地丁銀兩乾隆三十五年爲恭逢

六旬萬壽蠲免應徵廣安州地丁銀兩乾隆三十六年恭逢皇太后八秩萬壽蠲免應徵廣安州地丁銀兩所有火耗銀兩一

並緩徵乾隆三十九年辦金川肅清緩徵四十年廣安州錢糧
十分之五乾隆四十二年

聖母慈仁蠲免四十三年廣安州錢糧乾隆五十五年

八旬萬壽蠲免廣安州錢糧乾隆六十年蠲免廣安州錢糧並於
下年廣安正賦內寬免十分之二嘉慶元年舉行

歸政典禮蠲免廣安州錢糧復因教匪滋擾前一年至六年錢糧
均行豁免嘉慶四年奉 頒發廣安州帑銀四千七百一十三兩

七錢六分麥四千一百三十四石五斗四升賑濟被賊蹂躪極難
貧民嘉慶二十四年蠲免廣安州正項錢糧十分之二光緒二十
八年廣安旱川督 奏振銀二千九百五十兩光緒三十年廣安

旱川督 奏振銀二千三百兩按里按戶以給被災之民

增糧之捐二

津貼始嘉慶五年教匪之亂川督勒保 奏軍需量加津貼以裁
撤里夫里馬之擾事平卽停髮匪據江南川督以協餉不濟 奏
准自咸豐四年案年隨糧攤捐津貼銀九千八百零九兩四錢四
分七釐正閏加耗如糧額花戶納糧時另領津貼印票如糧券之
數解司費銀百兩費五兩六錢邇今未停里夫派欸如故

捐輸自同治三年甲子始川督爲四川防剿經費而設 奏派廣

安州捐銀二萬兩奉檄歲十月預征小戶糧一升以上不起科民
開目曰二次糧乙丑至己巳歲捐銀一萬九千兩庚午捐銀三萬
四千兩辛未捐銀二萬四千兩壬申捐銀一萬三千兩癸酉捐銀
二萬四千兩甲戌捐銀一萬六千八百兩光緒元年乙亥捐銀二
萬三千兩丙子捐銀二萬二千兩丁丑捐銀二萬一千五百兩戊
寅捐銀一萬三千兩己卯至庚寅歲捐銀二萬一千兩辛巳捐銀

二萬二千兩壬午捐銀一萬九千兩癸未至甲申歲捐銀二萬二千兩乙酉捐銀二萬兩丙戌至丁亥歲捐銀二萬二千兩戊子至辛卯歲捐銀二萬三千兩壬辰從九合起科至丙申歲捐銀二萬三千兩丁酉捐銀二萬七千兩戊戌至辛丑歲捐銀四萬零五百兩壬寅捐銀三萬一千五百兩癸卯捐銀三萬九千兩甲辰捐銀四萬九千兩乙巳至丙午歲捐銀五萬九千兩丁未戊申亦如之每屆秋收時先具奏一次預辦明年之捐故有酌捐墊捐借捐預捐復捐等名初尙部議計捐數增學額或給貢監同治六年罷今直隨糧征收並出印票徧借六鄉富戶墊出冬臘先完解一半次年夏全完以爲常

稅課

漢鹽課元狩四年始權鹽天漢三年始權酤

史記

晉凡民貨賣奴婢牛馬田宅諸物有券契者率錢一萬輸四百入官賣者三百買者一百無文券者隨物所堪亦百分取四名爲散

估雜志

周有市門稅閔帝元年初除之宣帝復興入市之稅隋書

唐建中四年兵費不給行間架除陌錢法凡屋兩架爲閒上屋稅錢二千中稅一千下稅五百又公私給與及買賣每緡官留錢五十文至德中稅蜀麻廣德二年七月稅青苗元和九年初討淮西加山南西道屬縣鹽估供軍文獻考貞元九年權茶縣產茶及茶出要路皆估其直十稅一爲水旱備長慶中增茶稅率爲錢百增五十開成二年茶稅行交引

蜀權稅繁重部民凡嫁娶皆籍其幃帳妝奩之數估價抽稅宋開寶六年始除之

馬通考

宋舊課軍縣有青苗保甲助役免役等錢熙甯中苦乏錢農民皆變轉穀帛輸納見錢錢貴穀賤謂之錢荒

軍舊有商稅熙甯十年以前廣安軍三務歲額五萬貫以下齎貨謂之過稅每千錢算二十市鬻謂之住稅每千算錢三十時商稅以蜀爲重通考惟所納者鐵錢十纔及銅錢之一會要

軍又有酒稅熙甯十年以前歲額三萬貫以下舊制三京官造麴聽民納直軍城內皆置務釀之縣鎮鄉關或許民釀而定其歲課若有遺利則所在皆請官酤建炎三年趙開總四川財賦謂蜀民已困惟權酤尙有贏餘遂變爲隔槽之法考設官主之民願釀者米一斛輸錢三千雜記聽民就務分槽醞賣官計所入之米取課行之既久醞賣虧欠責入米之家認定月額梓州路所增輒倍後制置使胡世將卽廣安軍釐清酒務許人戶買撲分認歲課合成都